

Na osnovu člana 60. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12) i člana 24. tačka 31. Statuta općine Hadžići ("Službene novine Kantona Sarajevo", broj 15/09 i 17/12), Općinsko vijeće Hadžići, na 3. sjednici održanoj 31.01..2013. godine, donijelo je

O D L U K U

o utvrđivanju platnih razreda i koeficijenata za plaće nosilaca izvršnih funkcija, savjetnika, državnih službenika i namještenika u Službama za upravu općine Hadžići, općinskom Pravobranilaštvu i Stručnoj službi za poslove Općinskog vijeća

Član 1.

Ovom Odlukom uređuju se o plaće i naknade nosioca izvršnih funkcija, savjetnika, državnih službenika i namještenika u Općinskim službama općine Hadžići, Općinskom Pravobranioocu i Stručnoj službi za poslove Općinskog vijeća Hadžići općine Hadžići (u daljem tekstu: općinski organi).

Član 2.

I. PLATNI RAZREDI

1. Platni razredi nosilaca izvršnih funkcija i savjetnika:

Platni razred	Radno mjesto	Koeficijent
I	Općinski načelnik	8,50
II	Općinski pravobranioac	5,70
III	Savjetnik općinskog načelnika	5,20
IV	Zamjenik općinskog pravobranioaca	5,20

Član 3.

Nosioci izvršnih funkcija i savjetnici imaju pravo na naknade u skladu sa zakonom. Nosioci izvršnih funkcija i savjetnici ostvaraju pravo na plaću i naknade danom stupanja na dužnost.

O pravima nosilaca izvršnih funkcija i savjetnika iz stava 1. ovog člana odlučuje Općinsko vijeće Hadžići na prijedlog nadležnog radnog tijela Općinskog vijeća.

Član 4.

1. Državni službenici

Državni službenici u općinskim službama iz člana 1. Ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	- sekretar Jedinственog općinskog organa uprave - sekretar Općinskog vijeća	5,70
II	Pomoćnik Općinskog načelnika	5,20
III	Šef odsjeka	4,50
IV	Urbanističko-građevinski i komunalni inspektor	4,30
V	stručni savjetnik	4,10
VI	viši stručni saradnik	3,90
VII	stručni saradnik	3,70

Član 5.

2. Namještenici

Namještenici u Općinskim službama iz člana 1. ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	šef unutrašnje organizacijske jedinice (VŠS)	3,20
II	viši samostalni referent (VŠS)	3,10
III	samostalni referent (VŠS)	3,00
IV	šef unutrašnje organizacijske jedinice (SSS)	2,80
V	viši referent (SSS) i VKV radnik	2,70
VI	referent (SSS) i KV radnik III i IV stepena	2,60
VII	pomoćni radnik i nekvalificirani radnik (NK radnik)	1,85

Član 6.

Plaće za pripravnika i naknade za volontere

Plaće pripravnika visoke, više i srednje stručne spreme u organu državne službe utvrđuju se u iznosu, i to:

1. za visoku školsku spremu u iznosu od 80% od početne osnovne plaće utvrđene za radno mjesto stručnog saradnika.
2. za višu školsku spremu u iznosu od 80% od početne osnovne plaće utvrđene za radno mjesto samostalnog referenta.
3. za srednju stručnu spremu u iznosu od 80% od početne osnovne plaće utvrđene za radno mjesto referenta.

Član 7.

Volonteri visoke, više i srednje stručne spreme u organu državne službe imaju pravo na naknadu, i to:

1. za visoku školsku spremu u iznosu od 35% od početne osnovne plaće utvrđene za radno mjesto stručnog saradnika.

2. za višu školsku spremu u iznosu od 35% od početne osnovne plaće utvrđene za radno mjesto samostalnog referenta.
3. za srednju stručnu spremu u iznosu od 35% od početne osnovne plaće utvrđene za radno mjesto referenta.

Član 8.

Visina osnovice za obračun plaće utvrđuje se na osnovu najniže neto satnice dogovorene sa sindikatom na način da se najniža neto satnica množi sa fondom radnih sati u mjesecu.

Član 9.

Osnovna plaća se utvrđuje množenjem osnovice za plaću iz člana 8. ove odluke sa utvrđenim koeficijentom platnog razreda i tako utvrđeni iznos se uvećava za 0,5% za svaku započetu godinu penzijskog staža državnog službenika i namještenika, a najviše do 20%. Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine preme posljednjem objavljenom statističkom podatku.

Član 10.

Općinski načelnik će Pravilnikom o plaćama, naknadama i ostvarivanju određenih prava iz radnog odnosa državnih službenika i namještenika u Službama za upravu općine Hadžići, u skladu sa zakonom i drugim propisima, Pravilnikom o unutrašnjoj organizaciji Službi za upravu općine Hadžići, ovom Odlukom, utvrditi pojedinačne koeficijente za plaće službenika i namještenika za svako radno mjesto.

Član 11.

Stupanjem na snagu ove odluke prestaje da važi Odluka o utvrđivanju platnih razreda i koeficijenata za plaće rukovodećih i ostalih državnih službenika i namještenika u službama za upravu općine Hadžići ("Službene novine Kantona Sarajevo", broj: 39/05) Odluka o plaći i naknadama općinskog načelnika općine Hadžići („Službene novine Kantona Sarajevo“ broj: 39/05) i Odluka o utvrđivanju koeficijenata za plaću općinskog Pravobranioca općine Hadžići, broj: 01-2-14.5-8295/11 od 30.11.2011. godine.

Član 12.

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se od 01.01.2013. godine.

Broj: 01-01-2-1190/13.
Hadžići, 31.01.2013. godine

Predsjedavajući
Općinskog vijeća Hadžići
Adnan Proha

O b r a z l o ž e n j e:

Pravni osnov:

Pravni osnov za donošenje odluke o utvrđivanju platnih razreda i koeficijenata za plaće nosilaca izvršnih funkcija, savjetnika, državnih službenika i namještenika u Službama za upravu općine Hadžići, općinskom Pravobranilaštvu i Stručnoj službi za poslove Općinskog vijeća sadržan je u odredbama člana 60. Zakona o plaćama i naknadama u organima vlasti Federacije Bosne i Hercegovine („Službene novine F BiH“ broj: 45/10 i 111/12).

Navedene odredbe, između ostalog, određuju da se koeficijenti i platni razredi zaposlenih u organima vlasti općine utvrđuju odlukom Općinskog vijeća.

Razlozi donošenja:

Zakon o plaćama i naknadama u organima vlasti F BiH objavljen je u Službenim novinama Federacije BiH dana 29.07.2010. godine, a stupio je na snagu narednog dana.

Odredbama člana 63. Zakona o plaćama i naknadama u organima vlasti F BiH određeno je da su kantoni, gradovi i općine u Federaciji dužni usaglasiti svoje propise iz oblasti plaća i naknada sa ovim Zakonom u roku od 90 dana od dana primjene ovog Zakona.

Odmah po objavljivanju predmetnog Zakona uočene su kontradiktornosti pojedinih članova te je na insistiranje Samostalnog sindikata državnih službenika i namještenika u organima državne službe, sudskoj vlasti i javnim ustanovama, pokrenuta procedura izmjene i dopune federalnog Zakona.

Naime, sporne su bile odredbe federalnog Zakona koje su dale ovlaštenja općinama da utvrde koeficijente za plaću i osnovicu za plaću na način da osnovna plaća za ista ili slična radna mjesta u općini ne može preći 80% od plaće za takva radna mjesta na federalnom nivou odnosno 90% plaće na kantonalnom nivou, a u skladu s načelima fiskalne odgovornosti iz člana 3. tačka 3.) federalnog zakona, odnosno prema finansijskim mogućnostima općine.

Izmjena i dopuna federalnog Zakona ušla je u parlamentarnu proceduru, ali je zbog sporog procesa usvajanja došlo do zastoja u primjeni odredbi člana 63. federalnog Zakona.

Prema objavljenim izmjenama federalnog Zakona (26.12.2012.) precizirane su odredbe u dijelu koji definiše način utvrđivanja osnovice za obračun plaće i način utvrđivanja koeficijenata i platnih razreda za plaće kako u kantonima tako i u gradovima i općinama.

Uklonjena su ograničenja vezana za postotak umanjenja plaće zavisno od nivoa vlasti te je utvrđeno da osnovica za plaću ne može biti veća od osnovice utvrđene na federalnom nivou, a prilikom utvrđivanja koeficijenata za plaću, kantoni, općine i gradovi će propisati iste koeficijente za ista radna mjesta u okviru istih platnih razreda za državne službenike i namještenike kako je to regulisano na federalnom nivou.

bog navedenog stečeni su uslovi za donošenje odluke o utvrđivanju platnih razreda i koeficijenata za plaće nosilaca izvršnih funkcija, savjetnika, državnih službenika i namještenika u Službama za upravu općine Hadžići, općinskom Pravobranilaštvu i Stručnoj službi za poslove Općinskog vijeća

Predložena rješenja:

Kada su u pitanju koeficijenti za plaće nosilaca izvršnih funkcija do sada je Općinsko vijeće donosilo posebnu odluku o koeficijentu za plaću općinskog načelnik te takođe i posebnu odluku o koeficijentu za plaću općinskog pravobranioca. Jasno, zasebna se donosila i odluka o koeficijentima za plaću državnih službenika i namještenika. Razlozi ovakvog postupanja su bili u različitim predlagачima ovih koeficijenata.

Predlažujući donošenje jedinstvene odluke, opredjeljenja smo da je ovlašteni donosilac odluka o koeficijentima, jedan, a to je Općinsko vijeće, kao i da su sredstva za plaće predviđena u Budžetu općine, a koji opet usvaja, Općinsko vijeće. Sam prijedlog odluke o koeficijentima u formi, kao jedinstvena, svakako će proći kroz proceduru obrade od strane nadležnih tijela Općinskog vijeća čime će se ispoštovati mišljenje različitih predlagачa.

Prilikom određivanja visine koeficijenata za plaće primjenjeno je načelo isti koeficijent za plaću za ista radna mjesta na svim nivoima vlasti od federalnog do općinskog.

Ostale odredbe ove Odluke u potpunosti su prenesene iz federalnog Zakona kako to i nalaže sam zakonodovac.